



149681
3083

卷十

觀經定善

義傳通記卷第三

釋良忠述



本曰九就下至真身觀竟

釋六上來

第八料簡像觀已竟自下第九解真身

觀中三謂標釋結釋中二一先分文二斯乃下揔
述大意分文中文自爲十二。二明真佛身相中經
始百千萬億夜摩天闍浮檀金色者舉天所有金
顯真佛色相故云身相喻天金色汝土私記云如
集萬億天金比符合全疏又靈芝云百千万億夜
摩天喻其大也闍浮檀金言其肉體也比正觀記



李家寺

云如夜摩天即身也閻浮檀金即色也喻其大者
夜摩則欲界第三空居天一天已是廣大况百千
万億此乃通收余許天居橫廣之量以喻佛身也
上問可喻第六天金答縱使難舉第六天金何足
比校今且約於空居天初而舉第三天也但閻浮
檀金在於人間此金勝故借此金名名彼天金也
閻浮金者長水首楞嚴疏云炎浮檀金正云染部
捺陀此西域河名其河近其樹其金出彼河此則
河因樹名金因河稱也或云炎浮果汁點物成金

因流入河染石爲金也其金色赤黃兼帶紫綵故
也觀經疏說閻浮檀金超過紫磨金色百十萬倍
乃至但瞻部樹半臨陸地半臨海中此海取歲有金
也而水極深然金色徹出海水上若轉輪王出世
諸夜叉等神取此金將來博易於人間有也若著
闇中闇無那陀此言江又云海也以上長水四明擗觀
身相中經白毫如五須弥山佛身毫眼如四大海水者
間毫相眼量何小佛身荅佛身毫眼說其數量皆
顯廣大只是分喻何強拒難靈芝云佛身無量機

見有殊文中所舉假以數量顯非數量欲併身不可定故則下文云如前所說無量壽佛身量無返非是凡夫心力所及又云或現大身滿虛空中舉此證前知無限量螺蓋酌海丈尺量空是可得乎喻可見也上正觀記云世人大多謂眼量太窄不稱身量者其義如何當知經中以山喻毫以海比眼乃是趣舉分喻所謂以數顯非數亦不必執喻責其大小也上問經既說數何無其實故淨影云觀大小中句別有五一觀身大小高六十萬億那由

他恒河沙由旬二毫相大小如五須弥山須弥舉高三百三十六萬里縱廣然彼佛毫相過此五倍三眼大小如四大海准此白毫及眼大小以度其身身量太長唯身度其白毫及眼其量太小是事云何凡是世人身五尺者一寸之眼身於其眼不過長短五六十倍佛亦應然無量壽佛眼如四大海一海縱廣八萬四千由旬四海合有三十三万六千由旬身過其眼五六十倍假令極多無出百倍何緣佛身得長六十萬億那由他恒河沙由旬

準眼定身正長六十萬億那由他由旬言恒河沙者或傳譯者謬而置之若身實長六十萬億那由他恒河沙由旬白毫及眼便是極少當來是其傳者謬矣亦同天台荅聖境自在更無一準何定量乎故經難似說其數量但標大猷未必寸尺他師會通以情定量頗難依用經如百億三千大千世界者問佛号無量光圓光何百億荅圓光雖有分量其外有無量光辭如日月暉有分量而光明照四天下况圓光中具有無量化佛菩薩是其別耳總觀

身相者下說八萬四千相好光明爲別對之名總下文則云觀身別相即其義也五明觀身別相中身別相者即指八万四千相好以好攝相唯云別相又相好通名相如觀佛經第一云觀一一相好之相上經一一光明遍照十方世界念佛衆生攝取不捨者始自光明至十方世界總明光明周遍謂彼佛光真不遍照十方世界念佛者及情非情等祖文所歸專在念佛已下明光難普照唯攝念佛者又一一光明等者偏明攝取光明不說

照餘謂彼佛光唯照十方念佛衆生不照攝餘也
問所言光明爲是常光者余也本願所成光故若
神通光何佛不同故大經說餘佛一尋等光弥陀
無量光明若無量光是神通光餘佛亦然略記云
常光一尋雖常非遍別緣遍照雖遍非常此佛光
明即不如是經無量劫遍照十方上若有別緣感
應亦可有神通光如授記光等也問所言念佛爲
觀爲稱若言稱者所觀照益可被觀機何觀稱益
若言觀者荅中三義及所引文唯約稱名荅行者

如實觀光明時彼佛光明唯攝稱名不益觀行故
觀照攝稱名行者不觀照攝觀念行者問佛光普
照何闇觀行况佛觀者親想佛相觀最近佛何云
不攝荅光之與名即是名義名義具足有不捨益
是故唯益稱名一行所以知者佛光即義稱即是
名彼佛本發此兩願故名義不離攝取不捨彼佛
不願光益觀行更有何義亦攝觀機但觀近佛非
是本願不攝有在故禮讚云唯念佛蒙光攝當
知本願最爲強觀念法門及般舟讚亦復同之亦

念佛有三緣如下問若言不攝觀者禮讚云如觀經云一一光明遍照十方世界念佛衆生攝取不捨今既觀經有如此不思議增上勝緣攝護行者何不相續稱觀禮念佛願往生也比荅文理如前所被文者此釋助正兼行之旨非獨觀禮蒙光益也問上六品中有臨終光明照觸豈非攝益散善既余况定機耶荅被說臨終佛光來照非是現生護念攝取不捨此乃不捨光益局在念佛別願益故不通餘行來迎光明是揔化儀唯局迎時不通平

生問攝取何義荅護念不捨是名攝取觀念法門云攝護不捨禮讚云攝護行者天台云念佛衆生攝取不捨者若爲佛慈悲所護終得離苦永得安樂論云辭如魚子母若不念佛則爛壞衆生亦余佛若不念善根則壞上又靈芝云下示光明遍照攝生即是弥陀慈悲心體問不念佛人佛光攝否荅念與不念光無不攝但念佛者與光相應攝取往生定無退墮智論云辭如魚子母若不念佛則爛壞衆生亦余佛若不念善根則壞楞嚴所謂佛

念衆生如母憶子但子於母有憶不憶耳又如盲人在日輪下日無不照盲者不見不念佛人亦復如是上又大經說此益云其有衆生遇斯光者三垢消滅身意柔軟歡喜踊躍喜心生焉上又禮讚云蒙光觸者心不退上問曰備修衆行等者意云諸行之人皆得往生然佛光明周遍十方向不攝餘行窓偏攝取念佛者若云照者河惜攝益平等慈悲似有偏頗答曰等者意云念佛行者由佛願故得蒙光益信心不退往業易成如來親近身意

柔軟滅多劫罪魔不得便臨終正念往生決定有如此等種種利益皆因佛光現益是故全文明三緣義禮讚直云本願爲強初親緣中口常稱佛等者明口稱行具足三業口稱佛名即念佛行體故先舉之稱名行者向西合掌即是身敬亦心念佛即是心念是故禮念佛非別行也群疑論云今時念佛至心即意業善行也稱佛名號即語業善行也合掌禮拜即身業善行也由此三業善行能滅八十億劫生死重罪上斯釋下品十聲稱佛身羸劣

故不能禮敬心失念故不能觀察故知依勸繩唱
名字三業相應今三業行亦復如是唯就口稱舉
三業也言憶念者上三業行時不憶持常恒不失
故云憶念非是觀念若屬觀念據違光益唯局稱
名別違下丈謂增上緣及引三經唯約稱名復違
下結廣顯念佛三昧竟彼此三業不相捨離者彼
謂彌陀此謂行者行者三業俱有彌陀唯有意業
而言三業者相從衆生非言佛具有三業謂佛知
見衆生三業由此知見佛親行者述記云瞿波論

師云三業禮者欲顯大師有天眼故以身業禮有
天耳故以語業禮有他心故以意業禮上但彼約
禮此約念佛又彼知見已現三輪作利益事此無
現身說法儀又近緣時非無見佛云而今文意衆
生憶念彌陀不絕如續子思母彌陀還念衆生不
捨如魚母念子彼此親故是名不離法事讚亦釋
親義云人能念佛佛還念與今意同聞諸佛慈念
衆生善心譬如父母顧眄衆子無有惡愛故涅槃
十八云我觀衆生不觀老少中年貧窮時節日月

星宿工巧下財童僕婢使唯觀衆生有善心者即
便慈念上_已下_何偏約念佛明還忘相論親昵義荅
修諸行者非無感應而不名親三業皆非弥陀事
故彼心^佛行則踈^佛行人踈^佛佛亦不親若唱名
號即就佛體三業皆在阿彌陀故念十薰習最親
彌陀行者親^佛佛亦還忘何以諸行方同念佛況
論本願更非比校河等善根競其德乎法事讚云
弘誓多門四十八徧標念佛最爲親蓋此謂也次
近緣者上親緣是彼斯心同今近緣則一處來現

信知十萬億刹徑路雖遠彼此心同名之親緣千
返影向不離行者名之近緣問言近緣者佛在目
前念佛行者未必見佛何具近緣^菩佛來機前以
愚本意但隨機宜見不見異今舉見機以釋近緣
設難不見而佛必來若約冥邊不見猶近後增上
緣者念佛滅罪故臨命終見聖時佛爲增上緣不
爲邪業之所障礙必遂往生名增上緣問增上緣
中聖衆來迎與上近緣見佛何別^菩近緣見佛則
是平生此中來迎乃是臨終故不混亂若約五緣

言近緣者即護念見佛二緣增上緣者滅罪攝生
二緣三緣皆約凡夫是證生緣也問稱佛名時除
多劫罪何至迎候亦有邪業答罪障蓋多不可頓
減故稱念時雖減罪障而見聖衆除能殘殃珍海
決定往生集云問滅罪障已方有佛來迎歟答不
必尔大悲芬陀利經云彼欲終時我與無數大衆
圍遙而現其前彼見我已令於我所得大歡喜除
諸障礙命終已後得生我國意云往生業障未盡
之前佛先進來豈不特哉比悲華經云以見我故

離諸障礙即便捨身來生我果比又今但云邪業
不言外魔等者文言略耳靈芝云四解魔說或謂
修西方淨業臨終感相皆是魔者此由未披教典
不樂修持喜以邪言障他正信爲害不淺故須辯
之且魔有四種一五陰魔二煩惱魔三死魔四天
魔上之三魔是汝身心唯¹有天魔是外來耳安得
不畏已魔²但疑外魔乎况魔居欲天乃是大權退
惡進善有大功行方可動之凡夫修道內心不正
必遭魔擾若心真實魔天無能爲是知魔自汝心

非^ス他所致^ス如^ス壯妖沾媚惑於人端心正色必不能
近縱情顧^ス耽定遭所惑今引衆說以絕群疑一云
大光明中決無魔事猶如白晝^ス奸盜難成一云此
土觀心^反觀本陰多發魔事今觀弥陀果德真實
境界故無魔事一云念佛之人皆為一切諸佛之所護念既為佛護安得有魔一云修淨業人必發
魔者非須指破如般若楞嚴等佛若不指則誤衆
生墮於魔網今淨土諸經并今^不言魔即知此法無
魔明矣山陰慶文法師正信法門辯之其詳今為

具引彼問曰或人云臨終見佛菩薩放光持臺天
樂異香來迎往生并是魔事斯說如何答曰有依
首楞嚴經修習三昧或發動^上陰魔^下有依摩訶衍論
修習三昧或發動^上外境^{謂天魔也}有依止觀論修習三
昧或發動^上時魅斯等並是修禪定人約其自力先
有魔種被定擊發故現斯事儻能明識各用對治
即能除遣若作聖解皆被魔障^{上明此方人}道即^十發^十事今約
所修念佛三昧乃憑佛力如近帝王無敢干犯蓋
由向弥陀佛有^不大慈悲力大擔願力大智慧力大

三昧力大威神力大摧邪力大降魔力天眼遠見
力天耳遙聞力他心徹鑒力光明遍照攝取衆生
力有如是筆不可思議功德之力豈不護持念佛
之人至臨終時令無障礙耶若不爲護持者則慈
悲力何在若不除魔障者智慧力三昧力威神力
摧邪力降魔力復何在耶若不能鑒察被魔爲障
者天眼遠見力天耳遙聞力他心徹鑒力復何在
耶經云阿弥陀佛相好光明遍照十方衆念佛
衆生攝取不捨若謂念佛_名終被魔障者光明遍

照攝取衆生力復何在耶况念佛人臨終感相出
自衆經皆是佛言何得與爲魔境乎今爲決破邪
疑當生正信彼文又楞嚴云禪定心中見盧舍那
踞天光臺十佛圍遶等此名心魂靈悟所染心光
研明照諸世界轉得如是非爲聖證資中疏云若
修念佛三昧此境現前與修多羅合名爲正相若
修餘觀設見佛形亦不爲正以心境不相應故況
觀真如不取諸相而有所著豈非魔耶資中揅判
極爲精當仍具引前諸說永除疑障上問此三緣

義爲局念佛。答。豈不前言三緣唯約念佛一行。謂約稱名。釋不捨。故本願念佛是稱名。故諸佛證誠亦稱名。故此經亦專標名号。故知此三經元意。唯在稱念佛名。今之三緣何通餘行問。三緣之義云何不通觀察等行。謂心想佛親義最強。禮誦等行。豈是踈耶。觀亦近佛。故經云常來至此行人之所。豈非近緣。餘禮誦等。豈是遠耶。第四卷中通五正行明。親近義。故選擇集引。今二緣以證。五種正行。親近。故答。今三緣者。依本願故。唯局念佛。不通觀。

等謂由本願故有親緣義。有親緣義故攝取不捨。亦由本願故有近緣義。有近緣義故攝取不捨。亦由本願故有增上緣義。有增上緣義故攝取不捨。故三緣義不通觀等。若以觀等望雜行時。亦有隨分親近之義。所望不同。各得其名。疏親近義。即望雜行。判其得失。選擇集意親近名通。一往引釋也。自餘衆行等者。此明念佛與諸善。即有光攝不攝異。故挾量。二行勝劣懸闊。問十三定善上六品行。定勝散劣理。深事淺讀誦。六念大菩提心及戒行。

等諸佛所歎何以此等妙行而云全非比校者定雖疑心理難深微大行大心心行雖勝律儀孝道妙業難貴望佛本願念佛獨秀故云非比是故諸經等者自下引證言諸經者廣指淨土所依諸經先引正依例知餘經故云非一引大經中四十八願中唯明專念弥陀名号得生者本願果成不相離故摠指一經名四十八願本願生因唯稱名故此經詮要專在名號所謂第十八願云至心往樂欲生我國乃至十念願成就文云聞其名号信心

歡喜乃至一念三輩文云一向專念無量壽佛流通文云其有得聞彼佛名号歡喜踊躍乃至十念當知此人為得大利則是具足無上功德上引小經中專念弥陀名号得生者念佛之外更無餘行是故雖言專念名號不別云唯引觀經中唯標專念名号得生者定善丈云念佛衆生攝取不捨散善文中下品三生品下皆有專念名号勸持丈云若念佛者是人中芬陀利華付屬丈云汝好持是語持是語者即是持無量壽佛名如此釋尊處下歡

勸念佛一行慇懃鄭重餘行不専爲隨他機難說
往生無慙切勸佛意唯有稱佛名號以此義故簡
去餘行則云唯也斯乃約隨自機述廢立意耳復
有義四十八願中唯明等者六八願文雖有諸行
來迎之言而非生因本願往生唯在念佛以此義
故簡去餘行持取念佛方云唯也觀經亦専所謂
雖說定散往生本願得生唯在念佛故簡持云唯
標名号故下釋云上來雖說定散兩門之益望佛
本願意在衆生一向專稱弥陀佛名上廣顯念佛

三昧者簡異觀佛分別兩三昧具如宗旨門及觀
念法門。六明結少顯多中多少者結上所說摠別
身相雖言八萬等一一不別說故云少也若別說
者不可說盡故云多也。七明莊嚴微妙中出過凡
境等者問若約自力心眼何緣出凡境故是故經
云非是凡夫心力所及若約加力眼識外緣向嫌
目見如第七觀住立所見答全文既說定觀見佛
即以佛力令心眼見若五識身不與定俱性散亂
故今簡此邊若住立見由別緣力應分見佛雖言

見佛非如定中見微妙境又雖未證目前者未證正受也言目前者以正受見用辭目前眼見分明也但當憶想等者觀想成就心眼得開明見彼佛也。八明觀益得成中經見此事者即見十方一切諸佛者禮讚云問曰既遣專稱一佛何故境現即多此豈非邪正相交一多雜現也答曰佛佛齊證形無二別縱使念一見多邪何大道理也比既有念一見多何無觀一見多具見如群疑論六述三義云經以見諸佛教名念佛三昧者言念佛者觀佛

異名今說佛觀觀成相故像觀遙指即此丈也經以觀佛身故亦見佛心者觀行成見故釋云由見佛身故問見佛心者唯佛與佛乃能見之華覺十地非已境界何況凡夫答若約如來自證義邊因位皆闇若約化他方便義邊因位尚知謂見佛身上自烏瑟下至千輪莫不大悲攝衆生形故見佛時慈顯色相名知佛心華嚴云清淨慈門刹塵數共生如來一妙相一一諸相莫不然故見者無厭足上見相知心是當法相見相分心具如群疑

論第六述經佛心者大慈悲是者法華云每自作
是念以何令衆生得入無上道速成就佛身已大
慈悲者智度論二十七云大慈與一切衆生樂大
悲拔一切衆生苦大慈以喜樂因緣與衆生大悲
以離苦因緣與衆生辭如有人諸子繫在牢獄當
受大辟其父慈惻以若干方便令得免苦是大悲
得離苦已以五所欲給與諸子是大慈如是等種
種差別問曰大慈大悲如是何等是小慈小悲因
此小而名爲大答曰四無量心中慈悲名爲小斯

中十八不共法次第說大慈悲名爲大復次諸佛
心中慈悲名爲大餘人心中名爲乃小復次是大
慈遍滿至十方三世衆生乃至螺蟲慈徹骨髓心不
捨離三千六千世界衆生墮三惡道若人二皆代
受其苦得脫苦已以五所欲樂禪定樂世間最上
樂自恣與之皆令滿足比佛慈悲中千萬分中不
及其一何以故世間樂欺謬不實不離生死故比
經無緣慈者智論第二十四無量義云慈有三種
一者衆生緣二者法緣三者無緣乃至十方五道衆

生中以一慈心視之如父如母如兄弟姊妹子姪知識常求好事欲令得利益安穩如是心遍滿十方衆生中如是慈心名衆生緣多在凡夫人行處或有學人未漏盡者行法緣者諸漏盡阿羅漢辟支佛諸佛是諸聖人破吾我相滅一異相故但觀從因緣相續生諸欲心上慈念衆生時從和合因緣相續生但空五衆即是衆生念起五衆以慈念衆生不知是法空而常一心欲得樂聖人愍之令隨意得樂爲世俗法故名爲法緣無緣者是慈但諸

佛有何以故諸佛心不往有爲無爲性中不依止過去未來現在世知諸緣不實顛倒虛誑故心無所緣佛以衆生不知諸法實相往來五道心著諸法分別取捨以是諸法實相智慧令衆生之得是名無緣上淨影天台靈芝等師委釋此義云。九明得生益中經捨身他世生諸佛前者問觀一佛者觀何生諸佛前答群疑論有四釋往可見之十明結勸利益中經從一相好入但觀眉間白毫等者問何必令觀白毫一相答白毫勝餘相故順於弥陀

因行故勝餘相者往生要集引觀佛經云如來有無量相好一一相中八萬四千諸小相好如是相好不及白毫少分功德是故今日為於來世諸惡衆生說白毫相大悲光明消惡觀法若有邪見極重惡人聞此觀法具足相貌生嗔恨心無有是處縱使生瞋白毫相光外復覆護暫聞是語除三劫罪後身生處生諸佛前如是種種百千億種諸觀光明微妙境界不可悉說念白毫時自然當生又云鹿心觀像尚得如是無量功德況復繫念觀佛

眉間白毫相光明又云釋迦丈佛現行者前告言汝修觀佛三昧力故我以涅槃相力示汝色身令汝諦觀汝今坐禪不得多觀汝後世人多作諸惡但觀眉間白毫相光作此觀時所見境界如上所說比順凶行者同經云過去空王佛眉間白毫相彌陀尊禮敬滅罪今得佛我今禮彌陀亦當復如是上問觀白毫相何見諸相答白毫功能超絕諸相一相之力豈不見餘問設雖得見餘相何見無見頂相答群疑論云有釋者言此無見頂相既名

無見頂實不可見然言見八萬四千相者斯實除
無見頂相但見餘八萬三千九百九十九相以少
從多揔名爲見其實不見斯一相也不外名義遂
即相違乃生有釋言此相雖復不同諸相多分不見
名無見頂相佛威神力加被衆生於觀行中還復
得見至如釋迦佛爲剃除髮上令見頂彼佛亦然
不可執文以取其義即令一切衆生觀見此相上
經諸佛現前授記者靈芝云觀一佛多佛授記者
皆蒙印可授記作佛上或可是往生授記如世尊

悉記皆當往生此乃觀機方期往生故諸佛記其
得生矣次揔述中震響隨機者今經雖無說法之
文而准大經加釋之也謂大經云梵聲猶雷震八
音暢妙響上

二本曰十就下至觀音觀竟

釋云上來第九料簡真身觀已竟自下第十解觀
音觀中三謂標釋結釋中二一先分文二斯乃下
揔述大意分文自爲十五二揔標身相中經八十
萬億那由他由旬者問師徒身量何不相應答佛

及菩薩身量大小俱無定准故二處文各說一返
妙盡芝云佛身不可定故具如上引但諸師會通不同
淨影云觀音勢至身量大小准佛身量長短未定
又云佛身長六十萬億那由他恒河沙由旬此菩
薩身直長八十億那由他恒河沙由旬比知禮云
初次復下身量應云十八萬億全云八十者翻過
佛身二十萬億故知悞也問如釋迦丈六人身八
尺今佛身六十萬億菩薩十八菩薩之身尚太卑
耶荅淨土勝應不可以穢土劣應例也亦如妙音

身量但四萬二千由旬佛身六百八十萬由旬佛
身之量去菩薩更多比源清云菩薩身量可云八
萬億等應除十字或可除八字比疏抄亦引諸文
而會相違云經身紫金色者准此經文闍浮金勝
爲佛身色故紫金是劣爲菩薩色故此乃顯示因
果位別身色亦異肉髻與佛螺髻不同者問如斯
文者佛身可無肉髻相也荅佛有肉髻千千若無
應無鳥瑟千千若無應闕相好故下文云唯頂上
肉髻及無見頂相不及世尊比佛具勝肉髻但今

文者於肉髻中有其二種一佛肉髻即是螺髮二菩薩肉髻結髮者冠故云不同也問真身觀中不說螺髮何舉佛螺髮簡菩薩肉髻荅觀念洪門難觀弥陀准觀佛經觀四八相斯乃觀經雖言八万未說其相故依他經寄化身相觀三十二今亦此意問真身肉髻爲何相貌荅顯教之中雖說報身未明其相若依密教是寶冠也故弘顯教只云螺髮也經圓光面各百千由旬者疏抄云問身量極大圓光極少何耶荅佛光敵故如月對日勢至亦

然比化佛侍者多少者問准真身勢至兩觀化佛侍者可爲兩段荅是開合異所以開者化佛侍者位各別故所以合者俱是圓光莊嚴故也經如釋迦牟尼佛者靈芝云如釋迦者丈六身也上或彼光中化佛身相如今日釋迦身相非必同丈六問因位光中何覲累佛荅大菩薩化儀皆以如此例如普賢光中亦有化佛菩薩則此類也此乃證真如位分備佛果功德故也經舉身光中五道衆生皆於中現者靈芝云五道衆生合脩羅故菩薩垂

形五道救苦衆生故於光中現其色相比正觀記
云次身光垂形五道者請觀音云遊戲於五道是
也良由菩薩性具十界運同體悲行四攝法自然
關感故現光中上法華云三千世界中一切諸群
萌人天阿脩羅地獄鬼畜生如是諸色像皆於身
中現比相似既余况觀音乎問菩薩光中現五道
者成淨土三有惡趣何答此現大悲之所化形更
非譏嫌三明化佛珠異中經毗楞伽摩尼寶以爲
天冠者疏抄云問何必以此寶爲冠答寶炬陀羅

尼經如意珠有三一名威光二名釋迦毗楞三名
寶積毗楞伽者純真金色善根所生自然彌瑩住
於梵宮菩薩從闍浮提生兜率天寶自然生於彼
中壞滅諸怖毒事寶積者補處菩薩福力所感生
身常用爲莊嚴具作諸佛事云寶鏡經云毗楞伽
寶在帝釋頸遍照三十三天一切所有皆悉照見
比經有一立化佛者龍樹禮云阿弥陀佛般舟讚
云天冠化佛高千里念報慈恩常頂戴又天台云
冠中立化佛者帶果而行因也知禮云帶果行因

者觀音三昧經云觀音昔已成佛号正法明今爲菩薩修淨土行此乃帶昔與德行今因行頂有化佛表帶果也靈芝度同戒又疏抄云問若余化佛是正法明乎而十二禮云觀音頂戴冠中住即是彌陀也又觀音讚云釋迦云何定乎答隨緣不定上又憍興云有二意一觀音既次補彌陀佛故頂戴波佛以顯次補之相即龍樹禮中觀音頂戴冠中住種種妙相寶莊嚴也二觀音菩薩或現多頭如十一面或現多手手執刀杖面現嗔相爲降伏諸魔

外道蚊載化佛以表降伏之相即嘆禮云能伏外道魔惱慢也上化佛殊異者殊謂殊勝異謂奇異又殊異者顯差別義四明面色身色不同中經面如閻浮檀金色者閻身色不及佛面色河齊佛荅聖境應機各有同異非凡所測且推道理因果位別故身色異所證真理與佛無異故面色同如下餘相二相同異五明毫光轉變中經備七寶者疏抄云經眉間毫相備七寶色者毫是白色那有七色應是白上映現餘色如孔雀頃綠上映現金色

等也。已經辭如紅蓮色者或本云臂法。聰知禮
靈芝戒度同用臂。本今家淨影同依辭。本若依辭。
本此取盛貌辭化侍多謂化侍者巍々遍空。如紅
蓮華色。祿千滿池。若依臂本靈芝云觀臂。又三初
臂色二光。為瓔珞三瓔珞變現諸莊嚴事。必是彼
國殊妙之相。現於其中。已法聰等釋不出此意。問
憬興云。有人言作辭字是非也。夫作臂之意。為解
難知之法。菩薩身色何有難解而借辭耶。佛身之
色過於菩薩。尚不須辭。何難於此。借紅蓮華故全

則臂字是既在面相之下。手掌之上。即順次第觀
彼菩薩。故若無次第觀。即倒錯。故知臂是辭訛也。
比全家用筆可致此難。蓋未見菩薩侍者遍滿故
用斯華比類。何難。又經云。如閻浮檀金色等。何云
無辭。不足為難。既佛及勢至觀不別。觀臂限此。菩
薩何獨觀臂。但於三尊俱容觀臂。不觀丈略。七明
手。自慈悲用中經其光柔漏者。不寒不暑。溫冷柔
軟。非如夏日照。即熱冬月觸。即冷。經以斯寶手攝
引衆生。召衆生欲。生時手取蓮臺攝。引行者也。正

觀記云攝衆生者大悲經說手有提拔之力眼有
照明之用表菩薩神通智慧任運交感也。比十明
二相有虧中經無見頂相者大般若云鳥瑟膩沙
無見相比或無見頂則名為好無量義經註釋云
言八十種好者謂一者無見頂。正觀記云肉髻
是相無見頂是好比二相有虧者以劣為虧非云
全無故經云不及耳。問若余不可限於二相餘相
亦可劣於佛相答斯二勝相師徒遙別故別標也
又疏抄云經唯肉髻無見頂不及世尊者問餘相

亦不可及何只頂乎答聖相勝劣凡不可測又大
阿彌陀經二十四願中第二十四願云頂光絕妙
勝諸佛光照無央數絕冥之處見者慈心作善皆
生我國略抄諸佛尚不及況觀音耶。又懷興云觀音
位居補處略標二相以別因果明昧難異可類佛
故云無異也。比十四明重顯觀儀中便沾兩益者
上段所明滅罪生善斯名兩益謂不遇諸福淨除
業障除無數罪為滅罪益獲無量福為生善益或
現當名兩益謂不遇諸福淨除業障是名現益除

無數非獲無量福是爲當益或供量福通亘現當
又靈芝云作是下二彰功力不遇諸福除現難也
除無數劫罪破往業也如此下三舉聞以况聞名
獲福如普門品廣說上戒度云彰功中不遇諸福
淨除業障二句並現難也舉況獲福如普門品者
七難二求莫非稱名而獲應上次總述中觀音願
重者不空羅索及悲華經等廣明觀音願寶手停
瓶者停有二義謂止留今用留義涅槃經云停留
停住法住記云如來滅後人壽六萬歲時舍利塔

大地破裂金輪際停住則其證也
本曰十一就下勢至觀竟

釋云上來第十料簡觀音觀已竟自下第十一解
勢至觀中三謂標釋結釋中二先分文次此乃下
總述大意分文中文自爲十三一明舉觀名中經
次大觀勢至者或本云次復應觀二明弁觀想中
有五等類者問經文只云身量大小亦如觀世音
更無第二已下等類菩圓光已下說其不同除比
以外應同觀音况下文云餘諸身相如觀世音故

列也。身光等類者觀音身光現於五道勢至不余同。照法界故名等類。故大經云有二菩薩最尊第一威神光明普照三千大千世界。三明圓光不同中經面各百二十五由旬者問觀音勢至身量既舉圓光何有大小不同况大勢至光明爲德其光可勝。荅道闍云問菩薩身量與前無異何以圓光廣狹不等耶。荅菩薩光明卷舒不定前明舒業百千由旬。論卷業故百二十五由旬也。正觀記云二光相中初頃光觀音則云百千由旬所以

多少不同者或菩薩化現有殊或經家一往分異下皆例此。比疏抄云問勢至圓光百二十五由旬何劣觀音荅左勝右劣其理定也。興云由緣不同上經照二百五十由旬者問穢士日輪五十一由旬尚照四萬由旬四天下何故勢至圓光百二十五踰繕那。只照二百五十由旬荅聖境難測云何度量又由緣不同云又佛光蔽故化佛及以侍者多少者經雖不說准觀音觀立此二科也。問今大科述不同觀音何云准上荅凡大菩薩圓光皆有

化佛侍者勢至何獨不然故准觀音圓光作此釋
也但不同者此指圓光廣授不關化侍有無若準
圓光化佛侍者亦可有多少不同也但經不說故
其數難知四明身光照益中揔別不同者開經文
只云舉身光明即是揔光何云揔別荅爲取揔而
云揔別如云大小遠近等也經照十方國者問大
經云普照三千大千世界云何相違荅彼說常光
此說別光隨感即照能救物苦致憚興云即大勢
身光照十方國乃至此身光中直云有緣然智論云

阿弥陀佛世界中諸菩薩身出常光照十萬由旬
者既言常光故亦不遠上故神通光大經三千即
指極樂因准他方且云三千也但與勢志者至志
義別故法華疏二云大勢至者思益云我投足之
處振動三千大千世界及魔宮殿故名大勢至悲
華云願我世界如觀音等無有異寶藏佛言由汝
願取大千世界故今當字汝焉大勢至上記六思
益約行悲華約願思益約威勢以釋勢正當字義
取大千者以世釋勢千力取世不違其志以志大

故故佛記之志取此故亦名此。志上經但見此菩薩一毛孔光業者問因果位別何故依見勢至毛光而見諸佛淨妙光明答大師不釋其由或是勢至別德而其光明備其德耳如彼文殊爲諸佛母觀音六悲集諸佛悲斯乃所掌各異而已又淨影云見此菩薩一毛孔光即見十方一切佛光以此菩薩與一切佛法身體同故見斯光即見一切諸佛光矣。正觀記云因一毛光見諸佛光者因果雖異內證是同。經智慧光者佛及菩薩所有智

慧起身光故名智慧光又知禮云即舉身光名智慧光以是隣極色心不二若不尔者焉得色相名為法身比此異今意五明天冠莊嚴中彼斯都無增減者彼本土此影現數無增減謂寶臺中無土不現是故經云皆於中現皆言所表此寶臺中皆悉攝盡十方淨土是故本土不增現土不減故云都無增減間淨土弥寬寶臺最窄豈一寶臺包容十方答若約迷事大小永闊若論悟境相容無礙如維摩經中云如是小室乃客受此高廣之座於

毗耶離城無所妨礙又於閻浮提聚落城邑及四
天下諸天龍神龍王鬼神宮殿亦不追迨上梁攝
論第八云言卷舒者謂卷十方無量衆入一極
微々不增舒一極微包于十方無量衆衆衆
不減上論約大小論其增減全約土數明增減也
六明肉髻寶瓶相中經鉢頭摩華者六日經疏云
鉢頭摩復有二種一者赤色即此間蓮華也二者
白色今此間有白蓮華是也非芬陀利上靈芝云
鉢頭摩此云赤蓮華疏抄云肉髻紺青何類紅蓮

荅觀佛三昧經云如來頂骨猶如合蓋其色正白
若見薄皮則爲紅色或見厚皮則金剛也上經盛
諸光明者光體難一而其色相及德用等其數無
量故云諸光八明行不同相中一明行不同者釋
經此菩薩行時文此句雖無不同之言下句廣說
不同相故此句亦含不同之意若直言之應云行
相九明坐不同相中三明次動他方遠近相者此
是虛科准上行時震動十方坐時亦可震動十方
今言上下不明八萬故立虛科以顯其意先動本

國次動他方者問經無其次之言誰知自界他方
同時動搖向云先次答動自國云一時動搖次說
他方故知先後謂此菩薩坐時自土先動次及十
方也四明動搖下上佛刹者問從下方下不說動
相知是應明分身所在故靈芝云坐相中初國土
動搖即本國也二分身說法具舉上下含攝中間
諸佛刹土答行時震動旣遠十方坐時動搖何局
自國况據動搖分身遠來何難動搖國土分身以
在各別今解順理靈芝所判不足會通問何故行

時動搖不說分身雲集答或化儀不定或影顯意
耳經度苦衆生者今家偏屬淨土度苦又群疑論
六云通度自他土苦衆生上問金光佛刹下光明
佛刹上及八方土有弥陀分身乎答懶興云有說
無分身佛若尔違授記經說華德藏菩薩以天眼
見十方恒河沙世界弥陀佛前皆有觀音勢至恭
敬供養故今即下上八方皆有弥陀二菩薩然現
此坐相機宜有異餘方雖有而不來集比今謂上
下八方皆有三尊其理極成而於其中上下八方

云無機宜斯義不然餘方來集經略不說耳淨土
之中一切聖人等者聞今明彼土凡聖無苦云何
偏言一切聖人答且從勝說故云聖人又彼土凡
夫速入聖位因中說果同云聖人十明并觀邪正
等中總結分齊者名第十一觀文結當觀分齊故
十二明重生後益中經不處胞胎者若生淨土不
受胎生未離胎生生死不絕今蓬勢至智光之者
常遊妙土永絕胞胎其實往生彼淨土時三界四
生一時頓捨今約人胎故云胞胎靈芝云不處胎

胎等者脫娑婆苦生佛淨土寶蓮_{寶₁}箕_{箕₂}求_{求₃}絕胞胎
上法常等師亦同此義或胞胎者三界牢獄以爲
胞胎故禮讚云流浪三界內癡愛入胎獄或胞胎
者指疑惑胎生故憚興云非唯離親胎亦乃遠疑
華臺之胞故云不處胞胎上十三明總牒二身相
中經具足觀觀世音大勢至者斯二菩薩悲智一雙
不相離故同助弥陀化佛儀故合以牒結正觀記
云經中雙牒者以二大士俱佛侍者氣類同故上
本曰十二就下至解普觀竟

釋云上來十一料簡勢至觀已竟自下十一解普
觀中三謂標釋結釋中二先分文次斯乃下總述
大意分文中文自爲六一牒牒前生後中經見斯
事時者總指前十一觀是觀自身往生彼國見前
十一觀中依正亦聞彼說法故別指次向勢至一
觀諸觀結前指次上故又白蓮記云見此事時說
前三觀正觀記云見此事時一句指前五觀二明
作自往生想中一明自生想者此指經當起自心
句言自心者則能觀心所謂行者方運自心而作

勝解生起想念如日觀云當起想念經於蓮華中
結跏趺坐者間何故不觀來迎儀式苔凡當觀意
觀自往生以前諸觀具觀極樂依正已竟然而未
觀自往生相故至此觀方觀自生謂華臺聖雖未
來迎爲來迎想雖未命終爲命終想雖未乘臺爲
乘臺想雖未往生爲已生想雖未入寶池中爲已
入寶池想雖未蓮華開爲已華開想雖未眼目開
黑已眼開想雖未光明照爲已光照想雖未見佛
菩薩爲已見佛菩薩等想雖未聽聞水鳥樹林諸

佛說法爲闡之想如此勝解作意爲往生觀上故知來迎文略無耳又當觀行者勝解作意便觀自身在蓮華中故越來迎直觀第十第十一門相也經作蓮華合想者問上品上高尚無華合况勝定機何有華合答定觀勝機既觀華合故知一切皆有華合雖上上品亦有華合而華開速故經不說若不余者有上七鉢第十門過經見佛菩薩者憍興云佛者即彼土中受用變化諸弥陀佛菩薩者則二大菩薩及諸清淨菩薩衆故云滿空滿空者

蓋謂多也上靈芝云佛菩薩者即三聖也上三明定散常憶中經十二部經者指淨土經淨土經中以明所觀境故觀心明淨諸惡不生者守心常憶有二利益一入定時觀心明淨由內與法樂相應故二出定時諸惡不生由外則無三邪隕故言三邪者則三業惡但淨影天台同云身除三邪口離四過意斷三惡若唯此者且舉身三以顯口意五總結中經普觀想者觀自生彼遍見依正故名普觀故下文云注念願見西方依正二嚴了了常如

眼見比此乃就自往生結前十一觀也又始自生終至闡法遍觀自身往生諸相故名普觀又嘉祥云言普觀者揔觀無量壽佛身及徒衆教門故云普觀天台云普觀作自身往想稱彼境界一一具足觀知禮云今想生彼普見普聞依正諸相名爲普觀靈芝云雙結依正故得普名比懶興云前觀是別此觀是揔攬別成揔故更不別標依報揔觀即其類也乃至所謂普者有其四義一諸佛菩薩普二依正兩報普三見色聞聲普四假實合觀普應

如理思故名普觀比諸師同異學者思擇云本曰十三就下至雜想觀竟

釋云上來十二料簡普觀已竟自下十三解雜想觀中三謂標釋結釋中丈自爲十一初標中雜想觀者祖師云此雜想有三尊獨非佛教云雜此想亦有真佛亦有形像故云雜外有小身亦有大身既非純大非純小故云雜有華座有佛菩薩雖非純座非純身故云雜想雜義甚多且述一兩餘准知之上又懶興云揔有四義一方便根本雜二利

根鈍根雜三卅尊菩薩雜四形量色相雜思之可
悉故名雜觀。上問普雜何別。答普觀則觀自身往
生是結諸觀。今雜想觀更被鈍機故揔讚云復有
衆生心帶惑緣真上境恐難成致使如來開漸觀
華池丈六等金形淨影云次下一門重復明其佛
菩薩觀何故須重向前所弁佛菩薩觀凡下不及
故此復重敎曰觀察。上懶興云此觀爲鈍根人雖
觀真身不能得成今重觀故上又天台云普雜何
異而爲二也。普觀作自身往想稱彼境界一一具。

觀雜觀明佛菩薩神力自在轉變非恒大小不定
或隨物現故名爲雜以此爲別。上又靈芝云十二
十三兩觀前觀依報第六揔觀今此普雜亦即揔
觀三聖普觀則先觀自身後見依正雜觀則唯觀
正報大小不同先別後揔攝機斯足對文可見正
觀記云前別者華座至勢至觀一一歷別觀之後
揔者即今二觀通揔觀之此約一念次第修爲
言前觀雖成聖相旣多恐有忘失上又祖師云雜
想觀者前佛菩薩觀是先觀想彼土大身佛菩薩

今此雜觀者觀小身佛菩薩斯有三意一前觀大
身人爲使觀自在觀之二或觀未成人去大付小
三或隨意樂觀之云此准諸師異釋存多義耳。二
明易境轉心中經先當觀於一丈六像者或對菩
薩先觀佛身或對真佛先觀丈六觀像以表真想
水以表地者像謂彼土丈六像身非是娑婆泥檀
形像水謂彼土寶池小分亦非此土可平假水言
表真者鈍根觀故不直觀於第九真身轉想丈六
遠表六十萬億真身言表地者亦鈍根故暫想小

地遠表廣闊無邊寶地故次下云此是如來教謂
衆生易境轉心入觀次言或在等者經雖唯說池
水而行者意樂不同故易境非一或想一官或想
一樹各逗機緣令觀易成故次下云如是等處一
一住心想之皆作化佛想爲令機境相稱易得成
故以此乃上來華座佛像真佛二菩薩等其量廣
博觀難成故致使如來別爲鉢機以開漸觀所謂
促上佛像窄觀丈六略上寶池轉想小池替上真
佛觀其小身佛身小故座侍亦小上五種觀其境

廣故一一別觀今觀則是境小觀略合爲一觀故名雜想易境轉心者池水文六名爲易境轉心則起也述記一云轉是起義上謂文六小稱挾少心觀易成故起心對境故云轉心或在池水華上者指經池水白蓮記云但在於池水寶蓮華中略不言前華座也。三明勸觀小中經如先所說等者指第九觀言先所說六十萬億佛身名爲身量無邊彼境難成以爲當觀由漸而已。四明佛願重想成中經然彼如來宿願力故等者更通伏難伏難

意言若謂凡心不及真觀何故有前真身觀也故以本願釋其疑也問若依願力想成就者當觀之機亦可成就第九真觀苔機有利鉈故佛願力加於可加宿願力者是般舟經所說三力中大誓願力非是四十八願力也觀念法門引彼經云一者以大誓願力加念故得見佛二者以三昧定力加念故得見佛三者以本功德力加念故得見佛已下見佛緣中例同此義故名見佛三昧增上緣上又云如觀音勢至普雜等觀至亦是弥陀三力外

加故得見佛。已明知見佛必由三力。三力之中大
擣願力。是諸佛通摠之願。所以知者本經云。欲見
何方佛。即得見。何以故。持佛力。三昧力。本功德力。
用是三事故。得見。已又觀念佛門引文殊般若云。
諸佛同體。大悲念力加備。令見。已問觀成見佛。遂
生淨土。生淨土者必詣別願。若言得生詣別願者。
見佛外可由別願力。若見佛由摠願見佛緣中。但
引諸佛通摠三力。不引別願。然得往生。正由別願。
至攝生緣。則引弥陀四十八願。述得生義。例如群

疑論云。說佛地經時。在他受用淨土。諸聲聞等見
彼淨土。聞佛地經。此由如來不思議力。彼是一時
化緣。令暫得見。今此是不思議本願力。令亦得生
斯有何過也。比娑知得生難。故必詣別願。強緣見
佛易。故由摠願等復有一義。如決疑鈔。不以小故
難成等者。不以凡心小。故觀法難成。不由聖量大。
故佛不現也。五明比較顯勝中經。但想佛像等者。
或重舉丈六。像况真佛。觀或佛像者。此土形像觀
像。減罪如觀佛經。故淨影云。四但想下。明觀多益。

勸人觀察但觀形像得無量福，况復佛身五阿彌陀下明其所觀若大若小皆是佛身上靈芝云。但想下三舉像況真想像獲福觀真可知。上戒度云舉況中想像者如前像觀及觀佛三昧經中說觀像法等觀真者即指淨土小身丈六大身八萬也。比六明所觀佛皆真中五眼者淨影大經疏也云形膚曰肉淨根能有照瞞目之爲眼至乃一切禪定名爲天任依禪得眼故名天眼能見衆生死此生彼乃至智能照法故名法眼法眼能見一切衆生根欲性。

心并知一切化衆生法乃至照空實慧見理名慧眼能見真空除捨有相乃至前四是別佛眼是惄乃至次佛眼能見真實如來藏中不空真實比天台云四眼二智萬像森然佛眼種智真空冥寂比經或現大身或現小身者言大身者即是六十萬億真身是第九境言小身者丈六八尺即當觀境問當觀丈並舉大小身故知大小俱當觀境答上文既云一丈六像是說當境上文亦云非是凡夫心力所及知第九境而非今境但至今丈大小並舉廣爲

分別第九當觀十境不同彼此對弁故總讚云開漸觀也故天台云若大若小皆是佛身拂去衆疑生人重意衆云何疑前聞廣大無邊今聞觀小疑非佛身於小不敬故須拂去明皆是佛生其重意比知禮云有二意一爲前觀不成者捨大觀小二爲已成人令其更觀勝劣化用遍十方界品位增進疏從前意故作拂疑生重釋拂中
有異釋三明身量雖有大小等者問第六牒丈終至八釋何取所現規之形等丈立第三子段答顯色形色其相異故開

爲六七兩段大科顯形雖異同佛色故合爲第六大科之中第三子段故是縱容釋也七明身雖大小光相與真無異中與真無異者其形大小雖異其色真金惟同故經云皆真金色真謂第九圓光化佛及以寶華讓上說故八明同前觀中指同前觀者當文但言於一切處身同不說同相此指上菩薩觀同云八十萬等故言指同前觀所謂觀音若八尺勢至亦八尺故云身同斯乃以大身同今知小身同也九明勸觀二別中經衆生但觀首相

等者言衆生者舉能知人言首相者辯所知境顯要記云今謂於一切處身同是_一句衆生但觀首相_一句一切同者上經云勢至身量大小亦如觀世音又云餘諸身相如觀音無異也觀首而知二聖者上經云觀音毗楞寶爲冠冠有化佛勢至寶蓮華冠_是有寶瓶_是上與今全同又淨影云下觀菩薩於中初明觀音勢至於一切處身同衆生難以取別但觀已下教人別之但觀首相即知二別此觀頭首非觀手足觀音頂上有其化佛勢至

頂上有其寶瓶故觀二首便知別矣靈芝疏抄云經觀音勢至於一切處身同衆生但觀手相知是觀世音等者源清云衆生字屬下句也而疏牒云但觀手相者文有衆生二字應具牒云衆生但觀手相謂於一切處二聖身同而衆生欲知別者應觀首相也若謂身同衆生者何弁身首同異取意遠師屬上善導屬下比或本云手相今用首本見上經文知侍者別正在首相故首相本其理允矣淨影源清憬興靈芝亦用首本天台用二謂彼疏云

但觀手相者有作頭首解者上言觀音頭上天冠
中有一立化佛勢至頭上有寶瓶以此爲別作手
解者上云其手柔軟有八萬四千盡以此寶手攝
取衆生皆是經文用無失也。十明三尊遊方化
益中宿願緣重者悲華第二云三聖發願同取淨
土第三卷中佛授其記影響相隨者彌陀如形聲
菩薩似影響靈芝云此二下二明隨侍以顯須觀
助佛行化即影響衆由常隨侍故必觀之。比法華
疏三云影響者往古諸佛法身菩薩隱其圓極巨

輔法王如衆星遼月雖無爲作而有巨益此名影響
衆上記云次釋影響衆者然化主形聲必資伴以影
響方令發起擊動事遂如響之應聲影之隨形。比
本曰上從日觀下至正受兩句

釋云上來料簡十三觀已竟自下總結十三觀中
第四請者欣淨緣中有四重請一通請所求二通
請去行三別選所求四別請去行然十三觀總荅
第四別去行請故云第四等也問曲學經文先見
國土局所見分請其去行是請依觀正報未見何

頤請之終至座觀見三尊已始請正觀而今何云
十三通答思惟正受答若約夫人就所見境雖當
請依若約佛意因茲二請廣說依正今約此義通
十三觀當答二請比

本曰揔讚云下至向西傾

釋云上來揔結已竟自下揔讚十三觀於中有三
十二句初三十句讚三十觀後之二句揔勸知識
令專念佛初別讚中初之一句頌日想觀但廣釋
中則有三義今頌第二識知業障故云除闇次一

句讚水觀地下金幢已下四句頌寶地觀寶樹等
一句頌寶樹觀池流等一句讚寶池觀寶樓已下
兩句頌寶樓觀三華已下二句讚華座觀真識已
下二句是頌像觀一念已下兩句頌真身觀殺苦
已下二句讚觀音觀勢至已下二句讚勢至觀歸
去已下四句則頌普觀歸去來句文字不足亂句
多例故為一句復有已下六句頌雜想觀自今屬
對合經可見末後二句揔結讚也問日觀所表本
意正在識知光明識知業障安心取境之方便也

何略讚中述此義耶。荅舉一顯二不強事於要不要也。問水觀所表正在顯於可平之地淨內心者境現不覗之作法也。何略讚中述此義耶。荅上言想水成冰自有表地之意更言淨內心其義巧也。問座觀不說二菩薩座。何云三華荅以像觀文校華座觀以能坐身推知所坐也。度有情者間有情者是新譯名目。大師皆用舊譯名目不依新譯今如何用有情言耶。荅只是有識之義未必依用新譯也。又今家用新譯名目無強咎也。謂玄奘自西

天歸晨且大宗貞觀十九年己大師時年三十三其後經三十六年入滅向不見新譯謂大宗貞觀二十年丙午玄奘製西域記十二卷永徽中譯俱舍論三十卷永徽有六年當大師三十八至四十四顯慶元丙辰譯婆婆論二百卷大師年四十八自顯慶五年庚申至龍翔三年癸亥於玉華寺譯大般若過二年己乾封元年二月五日中夜玄奘卒于玉華寺丙寅春秋大其後經十六年永墜二年三月或二十四日十七大即入滅甲子十九以次推之今家可見新譯聖教專心念佛者問爲是觀念將爲口稱荅此有三

義二云是觀念也今讚總結十三觀故二云是稱
念也今經本意大師定判處十廣讚口稱行故今
十三觀總讚已後別云念佛明知應是口稱行也
三云通觀稱也若約一經之本意者應勸口稱若
約總讚十三觀者應勸觀佛是故省略直言念佛
廣顯兩邊也

本曰又就前請下至一門義竟

釋云上來總讚定善已竟自下分別依正分齊總
結定善一門義中前請者於淨緣內請中第四請也

觀經定善義傳通記卷第三

